

賜

綺

堂

集

賜綺堂集卷六詩目

辛酉報罷謁選將之官楚北

上少司空莫韻亭先生二首

保陽晤孔東山

傳金刺史以騎贈行

鄂城雜興十首

就聘入闈偕同徵諸友憩鐵佛寺二首

闈中詠物十一首

藍筆

薦條

藍墨

官燭

泥硯

號簿

落卷

硃卷

草榜

食單

闈墨

衡鑒堂分校呈主試栞泉太史桂舟助教二首
桂舟典試席上食蟹

舟次方城二首

宿呂堰驛弔王巡檢二首

有序

寓齋小集同陳最峯

善

洪九疇

範

曾鐵崖

衍東

趙春溪

方泰

蔣賓駒

寅

張晉林

蒲壁

周北堂

楷

七明府作

晴川閣

信陽道中

題南村山人畫梅

將之竟陵屬弟坤餘歸省同宿青蓮庵二首

出郭

嘉慶七年六月初一日鍾祥縣三工隄潰水漫
天門之護城隄督居民修築三晝夜始固詩以
紀之

觸暑迎謁長官於舟中題僧印池所畫曉風楊
柳小幀四首

竟陵雜詩八首

送王耘圃歸石首

謝梅農先生來竟陵會勘被災地畝

下鄉

新乞兒

壬戌秋仲始舉一子集賓僚於枕琴堂中作湯

餅會

破廟

拙吏歎

題蔡松若明府

振中

秋舫齋詩集卽用集中有

感原韻

赴沔陽同關西園

維紀

明府會勘洲地夜宿古

寺中

安州郭外送茹古香學使按部荆門風急守渡

鸚鵡洲弔禰正平

喻誦巖廣文

炳

園中薔薇芍藥盛開各賦一律

兼示王鹿苹秀才

汝嘉

二首

鹿苹秀才既和余看花之作因疊前韻二首

和誦巖廣文詠薔薇四首

會稽袁耐亭

鼎

秀才以峯滿樵倡和詩見示

次吳南池

鵬

貳尹見懷原韻二首

答錢柳汀

題朱錦堂竹深荷淨圖

巴陵道中

岳陽樓觴月

三閭大夫廟

失路投古廟中

長沙弔賈誼宅

湘靈曲

賜綺堂集卷六

吳苑 詹應甲 鱗飛

詩

辛酉報罷謁選將之官楚北

少小事游歷飄泊困儒冠鵬程九萬里欲奮無羽翰公
車凡十上下第博一官平生欠考試夙負今償完散材
邀錄用遭逢 恩旨寬從茲入塵海前望雲漫漫我昨
楚中來道路猶探丸軍需事未竣大府親據鞍書生不
捧檄何以披心肝吾儕既假手豈徒免饑寒官卑勿自
卑收學民乃安民氣能自固賊氣必自殘茫茫六合內

古音誰與彈鉛槧雖已離面目不改觀初階凜終始慎
勿隨波瀾回視同林鳥化爲鳳與鸞相逢腰手版慰藉
空長嘆儒林與循吏焉能執兩端聽君自位置何必殊
醎酸

上少司空莫韻亭先生二首

先生經濟比宣公何止清名澈

九重畿輔口碑書大尹

兼管京兆尹

帝廷手筆重司空平章海禁量沙減指顧軍容聚米工
落落數言關國計庶幾不愧大臣風

慈雲一片蔭南天回首耒風二十年雖換青衫虛屬望

時力能趨絳帳總因緣歸携荀叔樓中鶴夢繞成連海上船許傍門牆書政事幾時報最副薪傳

保陽晤孔東山傳金刺史以騎贈行

嗟余困鹽車顛蹶不知止前程日云暮乃去彼就此東
山人中豪交誼重桑梓小別逾十年一息竟千里慰余
墮風塵勉余執鞭弭問途先已經歷歷爲我指康莊戒
馳騁初步慎轉徙失路不足憂空羣勿自喜較量德力
間或者遇知己感君贈策心長鳴從此始

鄂城雜興十首

隔歲江城作寄公絲豪吟遍楚王風重歌牛角愁難和

初畫蛾眉愧未工吹玉倦人間化鶴采珠神女夢驚鴻
閒來獨眺南樓月依舊秋光一鏡空

諸公衮衮滯鵷班除秩何年等賦閒進退敢辭腰腳倦

浮沉不覺髭毛斑虛階幸綴參端上

舊功中以軍功加銜未除縣秩者尚

多實俸難叨簿尉間多少軍功需次久出山太早且還

山

博得頭銜榜上懸

同官到省先後榜名公府之壁上官以次差委所以示公也

也分

盧後與王前臺叅或恐臨時誤院本須防特地傳偶坐

肩輿聊復爾頻登手版總茫然年來長揖軍門慣此後

雙鳬學鷺拳

庚申泊遊於楚當事者援而止之接以士相見之禮今爲下吏不得再窺東閣矣

長袂從今亦漫彈相逢楚客對南冠
斷無風骨因人熱
尚有冰心耐歲寒
門館麤材饒鳩舌
賓僚高會費豬肝
滔滔江漢波瀾濶
要覓中流砥柱看

煙雲過眼易模糊
塵海茫茫意轉孤
英鵬怕澆江夏酒
黃祖害禰衡
嘉魚飽就武昌厨
風承藍縷人衣褐
日近

繁華賈履珠亮有同心
安惘惘漫將輿服比南都

卧聞鼙鼓與雞聲
急起披衣坐嚮明
遣去長班遲送信
薦來新僕強呼名
仙壇佛宇頻流寓
猛雨盲風苦送迎

策馬曾鐵崖徒行方柳湖人莫笑

聖朝崇儉勵寅清

一紙軍需出鄂州，星馳電掣敢稽留。
催花有令如傳箭，行李無貲尚借籌。
判斷疑難緣假手，奏銷撥遣各分頭。
應憐幕府書三上，細楷蟬聯擱筆愁。

縣丞經歷與州同，瓜代紛紛八月中。
接印官如蠅赴壑，入簾人是鳥投籠。

時就聘大闢

諸君從事無多日，我輩論文

有素風須記三春纔報罷，蔚藍天外淚花紅。

風塵碎合漆投膠，可許論心祇素交。
平地樓臺難近水，高枝燕雀不同巢。
零星柴米從頭算，酬應詩文轉眼拋。

頌詠之詞索者頗多不得已而強應之要非意所樂爲深以爲苦

敢說讀書如讀律法

言畢竟要推敲

挂帆須想卸帆時莫笑新鶯振羽遲
碁局偶然分冷暖
井田從此判公私
江湘襟帶荊州域
優孟衣冠令尹遺
試向秋風問桃李
有誰紅到出牆枝

就聘入闈偕同徵諸友憇鐵佛寺二首

寂寞禪堂裡停軒小住佳龕無僧入
定厨有鳥投齋几
榻參差設房櫳宛轉排翻憐朋試日
聯袂盡同儕
魚鑰重關閉邏兵聚析嚴從頭親筆
硯計口辦壘塩兩
氣涼生簟秋光澹入簾
鐵花同蘚落我佛可能拈

闈中詠物十一首

楊朱墨子本無緣
白眼相看在自憐
惱我年來捺不律

罪風吹下蔚藍天

藍筆

小字蠶眠署一行水街尚未綰銅章三春舉子秋同考

自檢陳編認本房

薦條

博得虛封等墨侯藍田片玉有誰收青青半出先生手

更勿磨人到白頭

藍墨

碧油幢下坐深宵分得金蓮一炬燒記向風檐聽鼓吹

淚花紅影迸三條

官燭

天然稜角未消融須向他山借石攻爾姓本來甘守黑

漫將淪落訴泥中

泥硯

文字因緣注籍初暗中編次辨蟲魚分明得失文昌定

不比登除向簿書號簿

茫茫苦海恨難勝路隔仙凡喚不膺那得返魂香一縷

他年拔宅共飛昇落邑

仙字曾教脉望餐好從勾漏乞金丹卷中光燄難消去
心血纔糊半未乾硃卷

王前盧後費安排草草功名遇合乖已到仙山風引去

十年榜上苦沉埋草榜已酉庚戌兩試春官皆於填
草榜時點落

公膳無多亦濫叨堂餐先進次分曹只愁書味消磨盡

枵腹居然學老饕食單

料應紙貴洛陽城刻楮三年一葉成慎莫斤斤求墨守

更將中訣誤經生

開聖

衡鑒堂分校呈主試茱泉太史桂舟助教二首
魁斗星芒翼次聯才名同紀

御屏前

先朝實錄蘭臺筆太學鴻文石鼓篇公等仙山登絕頂
吾儕塵海望無邊青衫席帽重回首夢入西風十四年
采珠須向楚江頭光氣居然燭斗牛傳鉢幾人聯蕊榜
題襟許我上蘭舟官場蹤跡雲泥隔文字因緣水石投
不敢狂言驚四座筆花禿盡綵豪收

附和作

施杓琴泉

揚鑣弱冠許相聯我自趨塵君自前朱氏淵源言氏

學

宋婺源
陸江蘇

洛京聲價

帝京篇

先潛豫
後入京

因憐西子來

湖上

往歲
游浙

又愛南樓到月邊

年來
客楚

天使爲官舊游地

好修縣譜趁華年

秋堂逼近鳳山頭目內全無十二牛筐戴六星方入

座

分房適
第六

珊瑚一網已盈舟

房中得
卷甚多

應教結綠聲名

長不忘雌黃臭味投爲報壽護添喜色鯉庭桃李此

初收

附
同作

陸開榮

桂舟

楚江相見便歡然知有前生翰墨緣笑我吟懷頽入
座羨君才筆大於椽能撿月旦文非命不染風塵史

亦仙却喜斯堂同翦燭一時難得四同年

兼謂施琴泉太史周

北堂
明府

昔聞王粲舊登樓此日携家足宦遊荆楚歲時猶待
紀河陽桃李已先收文章豈藉科名重氣味仍須沈
澆投憶否當年南北試西風耗耗苦吟秋

桂舟典試席上食蟹

燭花搖影冰壺懸持螯呼我飛觥船先生論文如飲酒
詞源倒傾萬斛泉醞釀深厚去糟粕中有真味求其全
朱衣猶是雙白璧何況入洛人爭傳諸生經史置高閣
那得考訂蟲魚篇蠅蚋難免學士笑彭蠡不問爾雅箋

我欲因之作蟹志百家小說驅風煙金腴手斫拍瓊腋

先試九月花臍圓性寒漉以薑汁辣味辛佐以蘆芽鮮

座中周子

北堂

與方叔

柳湖

老養意氣凌坡仙沔南刺

史葦蕭致

蟹爲葉復齋
刺史所餽

輪囷大束馳霜天監州於我苦

難乞耳聞郭索先流涎吾聞蟹肥資穀氣此物往往占

豐年江湘千里皆澤國蠙珠魚蛤饒荆川年來軍旅漸

休息犁鋤歸耕原上田稻花旣熟燈影聚爬沙驗取雙

螯堅脂膏充滿始珍食不用珊瑚求諸淵文章橫行須

有本中空其腹何爲然先生論文如嗜蟹似蟹非蟹寧

棄捐吳楓秋老漁莊連蟹不上筭不計錢挂帆擬趁西

風便終日醉倒茱萸筵

舟次方城二首

莽莽平蕪夕照開襄流曲折抱城迴將軍空墮千秋淚

羊公墮淚碑在峴山之麓

名士羞稱百里才

郭外有廳士元故里捲地朔風疑

鼓角隔江殘燒見樓臺虎符西下金饒奏不用書生草

檄來

平生心跡半依劉薄宦依然橐筆遊顧曲周郎紫函同少府

擊節懷歸王粲

判竹坪官

倦登樓南衙水鏡無雙目大府牙

旗最上頭

時隨廉訪詢案始謁見大府

那得蓬窓清夢穩此時聚米

繡持籌

宿呂堰驛弔王巡檢二首 有序

巡檢王君翼孫號聽夫江蘇長洲人也嘉慶元年三月廿九日死呂堰之難事聞

天語褒之

賜祭奠入祀昭忠祠卹授雲騎尉世職巡

檢之兄鐵夫旣書行實俾卿大夫士之能文章者援筆以紀其事哀而錄之而余卒無一言綴簡末以聽夫與余交最久哀聽夫之死執筆泣然久而弗得後五年服官於楚以事過呂堰求所謂大橋罵賊之所身履其地乃酌酒焚詩以哭之

戰袍碧血化山邱

遺衣塋於楞伽山下余猶及見之

又過襄陽弔舊遊

交重三荆逾廿載

識令兄鐵夫令弟約夫皆二十年矣

官卑九品已千秋

飛難食肉軍符掣死肯留皮

國史求畢竟忠魂敦至

性隔宵殘夢話鄉愁

先一夕示夢詢家事甚詳以余昨歲方自里中來楚曾見鐵夫於華

亭學舍故也

酌酒長橋淚滿裾誅君遲至五年餘

夢中語

蕭條柳色詩

中識

聽夫前從塞上和余詩有夢隨柳色到家山句

鬱勃河流紙上書

臨危猶上書大

府待援

生氣還能褫驛騎

驛卒牽馬至祠前踐溺忽顛蹶自陳哀乞乃免

糜身那

得塋江魚

死於戰非死於溺也

年來此地煙塵遠風捲靈旗爲掃

除

萬齋小集同陳最峰善洪九疇範曾鐵崖衍東

趙春溪方泰蔣賓嶠寅張晉林蒲周北堂楷

七明府作

嚮晨趨南衙迴車日過午偶然簿領閒一尊嘯儔侶入室羅盤餐雜坐忘賓主太邱靜者徒恂恂如老女拍肩友洪崖翩然一鶴舉鐵崖書畫禪奇筆頗自許當杯傲師雄轟飲門兩虎同官三同年里門交蔣訓素心結道契握手傾肺腑張周剖律文堂堂樹旗鼓相思關西園維紀宜州隔風雨蒼茫塵網中屈指幾人數吾儕困資格一官未易補囊琴待張絳伐柯須假斧端居談黃農

空言命卓魯朝來縮銅墨意氣漸消沮
吉雲湧法幢怒雷碎飛杵此中無定力
俯仰徒自苦側聞古賢豪先後鎮荆楚
至今擁牙旗陶庾開大府孟嘉小異人
安知不遇褚公等軼羣才及時修縣譜
寧樸而無華守拙勝巧取寧安而毋躁
噉蔗先蘗茹非敢違俗情要當審自處
相期各努力得失爭寸黍余也願執鞭
後塵邁步武三爵各頽然聞雞又起舞

晴川閣

一鶴隔江去長川終古晴西風吹木葉
秋氣逼山城帆展雲如拭樓空月有聲
年年客憑眺何用我題名

信陽道中

傍山城郭與雲連南下雙輪到此懸
風俗舊沿申子國詩名誰弔藐姑仙
城北有何里大復故里疆分全楚河流出天壓中
州樹影圓堪嘆濟川無妙術儘教津吏索金錢

題南村山人畫梅

南村家住黃山中畫梅如畫黃山松
松根化石石皮皴梅稍屈鐵鐵花繡
山中一夜春風來千樹萬樹梅花開
茫茫雲海幻雪海冷香凍作瓊瑤臺
梅花招我跨黃鶴玉角聲中倚江閣
學士才名比雪清徵君綵筆如花落
南村此畫作於武昌試院雙枝瀟酒出風塵想見含毫寫意真尺幅

橫陳尋丈勢枯樁
迸作十分春
春風滿幅家山畫
移向江城作佳話
此畫流傳過漢陽
江郎夢裡自收藏
廿年不見南村面
我似梅花兩鬢蒼

將之竟陵屬弟坤餘歸省同宿青蓮庵二首

虛堂龕影現青蓮
擬把名心問老禪
宦海遠憑帆脚穩
僧寮低結樹根圓
傍城樓勢如山湧
入座湖光有鏡懸
別夢便從今日起
對牀風雨不成眠

魚箋迢遞慰高堂
初入風塵鬢已蒼
寄我鄉心分一羽
待君家政共三商
長途迎養先歸省
獨客行期緩束裝
謔取松楸無恙否
燈前早盼尺書將

出郭

出郭不知遠微涼吹柳絲重湖圓鏡合一塔上燈遲鷗
野宜同夢蟬清許和詩翻因戴星瘁暫與簿書離

嘉慶七年六月初一日鍾祥縣三工堤潰水漫
天門之護城堤督居民修築三晝夜始固詩以
紀之

竟陵古澤國三面川溶溶襄流滙郢水西北當其衝賴
此鍾堤固俯瞰如乘壩大河繞其南綿亘雙飛虹牛蹄
間通順支派何龐洪永隆溯京邑環城折而東垸堤百
六區版築羣趨公聽民自爲理令甲頒三冬堤身如病

廢誤於醫者庸下車屈春仲民力歸田功况兼沔河淤
阻塞田鄰封根本不堅固血脈難疏通有時監其腦必
至洞其胸高原與低堰大半產木橦雖爲販夫利未免
妨我農奈何鍾堤潰一決不可壅青天震霹靂黑夜飛
蛟龍自頂灌至足其勢來何洶人聲與水沸萬鼓喧鑿
鑿城高堤影落一纜牽艤艤隄命乃民命民溺官溺同
大呼奮袂起先赴洪波中波搖隄脚動輿蓋如飄蓬官
民同一命相顧不改容堤長七八里頃刻山從隆終賴
蚩蚩者能遏水之鋒畚築三晝夜始免橫流攻城隄雖
已固坵隄還被冲聚者若浮鴨散者同游蜂綰符木三

月此厄適我逢編船更設厰拯急心忡忡餽糧先給散
老穉兼疲瘵嗟我竟陵人或恐成哀鴻救災苦無術首
緩錢漕供願言告長吏定當達

九重

觸暑迎謁長官於舟中題僧印池所畫曉風楊
柳小幀四首

愁條無力翦橫波眼底風光一霎過空向山僧摹舊稿
髭絲還比柳絲多

一天離緒隔春江便擬乘潮喚畫艘唱到屯田新樂府
酒醒殘月落蓬窓

嫩黃醺水漸生稊早向關山送馬蹄寄語東風莫吹起

此花如雪怕沾泥

一例風前學折腰何須分別短長條先生頗有蕭疎意
莫把濃煙着色描

竟陵雜詩八首

初縮銅章到柘城吳天煙月倍關情三年假手談何易

前官以採銅赴滇

五夜捫心學未成新婦羹湯難識性

初謁前郡伯

賢琴譜敢希聲

鄉先輩胡君名翼者頗其堂曰枕琴

出山還飲山中水陸

井空餘一勺清

陸羽泉在城北卽文學泉也

訟庭斜倚女牆邊不放青山到眼前我輩讀書如讀律

官聲防口甚防川草廬何處尋桑梓花縣於今種木棉
爲愛湖西風景好繞城荷葉已田田

琴堂人散當書堂訟牒閒時覓句忙難得衙官兼屈宋

吳南池貳尹工詩

先收國士在門牆

馬生鈞光辛酉分房所得士也

重新學校

逢丁日

學宮大成殿始落成

特祀文昌位與方

初建文昌祠於東門外

誰衍

竟陵詩派寂寒河落日弔荒莊

謝家院在縣西二十里卽寒河故居

瀕年積牘易蹉跎莫任煙雲轉眼過早結案情勤補過

緩徵國賦拙催科刑書當爲殘黎減刀筆終防小吏多

欲問塗人先自問不須適野採輿歌

長汀乾驛櫂能移岳口江空去鳥遲小市帘挑人抱布

殘燈帆卸客彈絲五華雲氣新晴出三澁河流古注疑
三澁水名鄭元劉澄皆指竟陵縣界而水經又言在南
郡即縣之北即故城在今宜城縣東北去竟益遠考史
記索隱曰今竟陵有三參水俗云是三澁水明承天府
志以司馬河爲一澁馬溪河爲一澁石家河爲一澁自
京山合流人竟陵界謂之三澁水當卽索隱所謂三參
者今三澁河尚在縣西二十里而縣志不分三澁第云
在漢濱之間且引水經據左傳句澁漳澁雍澁爲證然
則蓬澁又將誰屬魯鐸所記乃以三澁在縣南亦不辨
其何者爲三王秋郢襄二水泛澁議者水道分明徵舊
欲開三澁引南水北注尔故力排其說

史豈容穿鑿語支離

西望岡陵勢轆紆人家落落負山居半龕宿火宵投寺
十里炊煙曉趁墟野處衣冠真樸古蔓生花藥不刪除
東南文物差相勝半買犁鋤半買書

地控荆襄水陸通兩頭置驛太匆匆往來傳舍無虛日

迎送高軒拜下風

時因襄河水漲大府往來履勘者數次並驗黃沙查家兩院堤工旁

午軍儲多棘手

前官所徵米石撥解軍需同寅郵政強和衷負山力

已輪鰲背漫許當官意氣雄

襄流橫決下重霄一線長虹影動搖散盡朱提難博濟

捧來丹詔免征徭年荒始見民風古官苦能令謗牘

消百里偏隅成澤國鍾隄早築慰鵠鷄

時鍾邑之三工隄尚未築就因

從澤畔之民於高阜居之

送王耘圃歸石首

長安十載別竟陵十日留老友如弟兄絮絮語不休憫

余戴星瘁慰余履求憂君才余不逮一官等浮漚君詩
余好和五字如推輞飄然一笠去與僧打包游聞君營
別墅石華地頗幽於焉拋手版百城擁諸侯此願如可
遂吾儕復焉求山中梅破臘許我還擎舟爲君掃榻待
釀酒香浮甌君歸無久滯吾詩待君酬

附原作

王循耘圃

一別渺難卽十年今見之相看同老大深語各淒其
試吏應非偶踐言欣在斯讀書有真得當境復奚疑
到縣曾相訊輿論聽頗真夫家知役省比戶悉官貧
畚插連星月壺觴逮井鄰金錢捐已盡不忍及吾民

防汛焦心久將秋閔雨勤吏忙清滯讞官瘦損勞筋
人自歌揚水關猶護慶雲一犁新雨後憑軾看耕耘
對景憶陳迹偷閒坐晚涼英風消俊偉靜氣霽循良
我已懷孤躅君今協衆望不須感離聚就此訂行藏

謝梅農先生來竟陵會勘被災地畝

南學春風侍講壇

余肄業成均先生時經帷十載去長爲國子師得問業焉

安官階黃扉三遷易詩格青山五字難驚見哀鴻嗷澤

畔敢同倦鳥息林端催科一事平生拙先乞停徵慰里

團

竟俗以團分里蓋方言也

下鄉

彈丸水中央一角枕林麓岡陵到此竟高岸卽爲谷鄧
襄決上游平原作溝瀆官隄督民修私隄聽民築豪強
利積淤瘠土轉爲沃藉詞待疏消施功故瑟縮曲防各
爲私往往滋怨讟貧家擔石無還望補種陸坐視秋漲
來其勢日窮蹙履勘無遁情遑計詛與祝縣符催里胥
適足擾鄉曲小吏善舞文播弄一猴沐平生戒奔走遇
此輒微服出郭自呼舟隨行屏輿僕駕言就招提抽帆
如轉轂舟人尙未知誰得耳而目一日歷數鄉見聞必
手錄豈惟疾苦諮卽此勝披牘每到水窮時捨舟便從
陸炊煙辨村墟迷徑問樵牧中有龐眉叟揖我入破屋

客從遠方來無乃販新穀入夏水漂流十戶九不足豈
無蓋藏家尚有隔年蓄激勸由鄰團邑有三百六十團鄉里共
敦睦減糶量米珠老弱爭一掬往歲常屢豐掠食苦鷹
啄今雖困饑寒開門無大嘯頗聞縣官貧捐錢還散粟
吾儕免流離相與守邦族盼到麥苗齊情願賣黃犢聞
言三嘆息相對轉慙慙其人非椎魯其詞頗質樸從來
官與民真意相聯屬死徙無出鄉於此厚風俗庶幾轉
豐年民氣漸可復

新乞兒

荆南道傍新乞兒吞聲嗚咽前致詞自言舊籍長沙卒

二十從軍少壯時當年瀘水煙塵沸花苗蠢動犁鋤棄
身雖卑賤筋骨強得到戰場方快意戰場賊來同亂鴉
爭先截殺如芟麻大小百戰那知死刃缺矢窮心不諱
忽逢飛鏃傷一目再爲礮石斷一足目傷足斷氣未銷
馬上猶能奮馳逐大軍奏捷班戎行幕府點名重過堂
完膚壯丁皆選入老弱殘廢難充當令嚴法正不得語
繳還甲仗出軍伍足傷非馬行不前何以爲農與爲賈
蹇投古廟吹寒煙寶刀已鈍難質錢鄉邑無家歸不得
營門舊侶誰相憐途窮無計學求乞一餅一糜度終日
髀肉作瘡力漸微夜聽鬪鼙呼伴急賤卒雖死何足哀

同征將校書麟臺

壬戌秋仲始舉一子集賓僚於枕琴堂中作湯餅會

生兒如決科屢試乃不中精力與文章兩者皆無用行
年四十餘熊占初入夢荔枝本側生記取隔年種黃犢
產天門居然後天送阿耶八月中一輪蟾魄共此時念
劬勞喜極還滋恫祿養弗及待含飴未曾弄吾親在九
原太息語我仲老妻唼啼聲焚香默禱頌強余張餅筵
二日醪清俸賓僚十數人半未引雛鳳弄瓦不弄璋得
失較輕重譬遇賢有司雖薦而不肯屢蹶仍屢試未必

終屢空我今奏先聲努力告大衆

破廟

破廟深山裡靈旗卷暮秋田荒村覲散門掩土神愁斷
壁緣鼯鼯寒燈拜髑髏虛堂風瑟瑟過客不堪留

拙吏歎

作吏不俗負所學作吏不巧無所託巧以濟俗術乃精
俗能生巧名乃成不見能吏氣如虎車馬煌煌衣楚楚
簿書勾牒未躬親語言工於文墨舞供張迎送到遠方
求民之瘼且未遑要從奔走見肆應豈知撫字需循良
歸來燒燭譙賓客秦箏趙瑟陳兩廂銀鐙階下待判決

以手揮去同牛羊不見廉吏安恤幅此心馳驟身局促
夏蟲却扇慣語永秋鷹脫鞴偶食肉權衡得失在重輕
明明設薤暗致粟私恩小惠及吏胥頗能邀譽播鄉曲
居然盛氣坐堂皇忝然德色形面目轉笑參觀五聽迂
不顧此中有疑獄嗟爾廉能衆所知爾巧無乃爾獨私
官民相見有真意奈何作僞徒自欺書生矯俗不解事
當官肯負平生志伐毛洗髓更十年不爲拙吏爲巧吏

題蔡松若明府

振中

秋舫齋詩集卽用集中有

感原韻

凌雲健筆勢崑崙碧樹交枝茁翠苔百里才名詩共老

三遷宦蹟客同僑由祁陽雲夢山仙山有路迴風引甫鷹卓薦

例有所格塵海無邊落葉飄擬借舫齋同擊楫吟聲好答櫂

歌遙
赴沔陽同開西園維紀明府會勘洲地夜宿古

寺中

隔夜郵書到竟陵一鞭冒雪戒晨興無人望氣知關尹

西園先期微服而來駕舟履勘得實州人尚未知也有客停裝問寺僧閱過滄桑

同止水坐來蒲褐擁寒燈七年病牘從今結莫謂投艱

力不勝前官奉檄履勘案懸莫定今西園至而兩地之民無異詞

安州郭外送茹古香學使按部荆門風急守渡

水上旌旗曉霧開仙舟相望隔蓬萊能敷化雨銷兵甲
却許閒雲戴斗魁白雪陽春傳法山羣山萬壑選雄才
公身已到金鰲頂不借天風鼓棹來

鸚鵡洲弔禰正平

長江滾滾浪成堆何處招尋土一坯小鳥能言終賈禍
羣姦欲殺勝憐才怒濤拍岸如聞鼓奇氣當筵漫舉杯
留與千秋作憑弔不將名刺沒蒿萊

喻誦岩廣文炳園中薔薇芍藥盛開各賦一律

兼示王鹿苹秀才汝嘉二首

浪種河陽桃李花露華朝浣到苔家碧樹桑落三盃淺

主人以桑棋
釀酒沃花

紅架薔薇一角斜掃徑泥香融燕壘撲簾

雨點散蜂衙扶風帳後無絲竹故遣濃妝侍絳紗

一枝頑豔破晴煙似否豐臺四月天古巷停車招近客

荒園移石記平泉

謁岩徙山石於中庭將葺舊園爲我國丐余爲文以記之

別來持

贈休嫌晚閱過繁華不占先留住餘春同愛護帶圍難
縮省中僊

鹿茸秀才旣和余看花之作因疊前韻二首

郎君綵筆夢生花門巷烏衣本舊家紅雨隔簾詩思豔
青衫潑墨酒痕斜下帷還掃羊求逕結社兼開屈宋衙
疊就雙聲重付與幾番旅壁自籠紗

五羊城隔五溪煙海鏡樓高水接天秀才將省其尊甫蜀江同年於新安
所萬里枕椰消瘴雨一年桑苧酌寒泉塞來蘭玉含香
早盼到驂騑得路先好趲東風探閨苑花前人看大羅
仙

和誦岩廣文詠薔薇四首

不辨深叢與淺叢短牆缺處颭香風分明妙手徐熙畫
粉本鈎成半幅紅

時世爭誇倚市妝誰從葉底捉迷藏千金倘買人間笑
一角牆陰是看場

百里河陽試一雞浣花歸夢草堂西翦除棘刺渾難事

莫任醑醑到眼迷

幾回桃李鬥芳春
踰爾繁華步後塵
莫笑廣文官獨冷
絳紗中有賜緋人

會稽袁耐亭鼎秀才以峰滿樓倡和詩見示

衡門歸卧羨袁安
訪我江城草閣寒
正擬抽帆尋秘監

可能觴月泛郎官余僑寓漢陰郎官湖樓從高處登峰

易詩向空中着筆難
水竹山花生妙悟
幽描留作畫圖

看卷中以水痕山色
竹聲花意標題

次吳南池鵬貳尹見懷原韻二首

岳江蓀蓀隔清塵
蘭自孤芳桂自芳
吾術未工甘守拙

田池書來乞余書所作拙吏嘆君詩已富恥言貧難施肩荷隄防重不

負頭銜水利真

王秋襄流橫決竟陵被災余方搶築護城堤到南池分築查家黃沙兩堰晝夜

在工與民大共勞苦記送仙舟挂帆去更誰江館訪餘春

隔年衣浣軟紅塵嚼蠟分嘗宦味辛

南池於癸春奉差採蠟交到

下場爭氣節官如流寓副清貧也知優孟衣冠易難得

匡廬面目真賴有南陽劉子驥

馬廬

朶雲先捧座生春

答錢柳汀

落葉驚秋問訊疎雀羅門外客停車未除狷性難爲宰
欲懺虛名再讀書鄰有荒園調病鶴人從涸轍索枯魚
多君賦罷湘靈瑟絃外餘音獨契余

題朱錦堂竹深荷淨圖

竹聲戛玉荷珠濺欲雨不雨風滿船
科頭箕踞此間坐
不衫不履人中仙
竟陵三面皆澤國
環城湖水清且漣
東西竹院擅幽勝
我來蓮葉何田田
風香露響想入夢
雪甌待試山中泉
豈知堤崩襄郢決
頃刻屋角波濤旋
戴星觸暑苦奔走
那得白羽搖翩翩
須臾水退始安堵
旱魃爲虐驅風煙
遙天無雲日當午
揮汗成雨求諸淵
殘荷卷葉竹枯死
招涼何處張水筵
觀君作圖意頗妬
此樂無乃君獨偏
畫橋西望柳陰直
枯棹無聲嘶暮蟬
琴囊書卷遠携送
客散高枕羨皇眠
惜哉無人同雪藕

未免獨坐成枯禪
吾家草堂屋數椽
種花四畝共菜鮮
歸帆難得西風便
結鄰笑拍洪崖肩
莫厘峯高飄渺巔
三萬六頃湖光圓
坐消長夏如長年

巴陵道中

雪後巴陵驛路長
東來山色鬱蒼蒼
狂松似笑湖波落
故作濤聲撼岳陽

岳陽樓觴月

平蕪渺渺月娟娟
千里湖山到眼前
一口風雲吞大澤
兩頭煙樹鎖長天
光陰終古如朝夕
憂樂何人計後先
我欲夢中聞廣樂
下樓還就酒家眠

三閭大夫廟

楚國詩亡後天生屈大夫離騷緣彼美好色豈吾徒魚
腹書終達蛾眉計已麤何須問詹尹未必是窮途

失路投古廟中

野氣沉空山山深見虎跡力疲心易驚急投古廟息解
裝據版扉燒燈挂土壁腸空轉轆轤爇薪覓香積破竈
無釜炊瓦盆水涓滴一僧瘦於猱裹衲枕階石聞呼起
蹣跚頓以手加額瞿然踞致詞語罷轉戚戚此廟神不
栖祇緣郵市隔田荒龍火虛託鉢久無益自悔昧夙因
忍餓不圓寂出山二十里米珠方可易謂客勿佈金縮

地少法力謂客必裹糧齋衆大功德聞言心憮然我亦
饑驅迫倘非日云暮去此已他適山中一飯難何必分
儒釋明發指迷途努力須飽喫

長沙弔賈誼宅

太傅祠堂近市廛豐碑猶自卧荒煙蒼生未免虛前席
青史何曾屈少年舊將君臣逾骨月諸王賓客儼神僊
治安有策終無策才筆還憑鵬賦傳

湘靈曲

夢中聽奏湘靈曲二十四絃聲戛玉曉來洗眼看湘山
一痕眉澁江心綠江心水咽淚眼枯竹根化石石望夫

女郎祠外啼鷓鴣欲雨不雨天模糊我向湘陰城下過
村女如雲不知數山花滿頭來賽神朝迎神歸暮送去
神之歸兮山有情神之去兮江無聲湘帆九曲如腸轉
風卷靈旗吹不遠

賜綺堂集卷七詩目

讀先文憲公詩集

有序

題族祖養沉公墨蹟

笑月庵題壁七首

題人秋聲圖

題人攜幼入室圖

題畫

鐵夫書來以所著淵雅堂集見寄爲題長句報之

壘小石爲盆山頗有生趣作此詩以示吾弟崑

漁

題友人盛松舟立雪圖

張桓侯廟夢中作

初至高安八首

鳴鳳山去郭西數里巖谷幽險暇日登之

迎春詞四首

羅漢峪

回馬坡

苦竹坡

由魚鱗溪入山巖壑險絕作詩寄內四首

小除前一日止宿山家二首

白土坪

高安除夕飲賓僚於可耐軒中二首

松舟以所畫廉石圖見贈

乞陸蔭堂盆竹二首

鬼谷洞去青溪十里雲夢山中相傳爲鬼谷子
講易處邑志謂郭璞詩中青溪千餘仞中有一
道士卽其地也

松舟將赴彝陵招同趙芳田李藹人飲餞可耐
軒中二首

青溪寺

鄰牆紅杏著花二首

止園雜憶詩二十首

有序

種櫻桃一株著花頗妍二首

鹿苑寺

蠶叢

課桑

尋陵總戎招游三游洞

錢武肅王鐵券歌用宋文憲韻

爲人題大樗圖

爲人頤囊栞拂圖

賜綺堂集卷七

吳苑 詹應甲 鱗飛

詩

讀先文憲公詩集 有序

應甲垂髫鼓篋先君子手一編出示曰此吾家先尚書文憲公諱同道詩汝受而讀之學爲韻語應甲謹誌今三十餘年流浪風塵弗克自振何以嗣宗風而承先澤耶展卷悚然作此詩

勝代雲煙筆底收豈徒詞藻壓瀛洲能開生面追燕許

祇有孤心結宋劉

集中多與劉誠意伯宋學士倡酬之作

清白傳家餘昔

惜

公起自學官歷吏部尚書明史紀太祖語廷臣曰詹同清白吏也

丹黃和淚滴松楸

宗風弗振虛庭對少日兒童又白頭

題族祖養沉公墨蹟

吾宗盛文藻公書尤淋漓

吾詹氏世居婺源自希元公以下代有書家故公書尤卓

絕

想當蒿萊闢挺出筆一枝

婺源入國朝膺館選者自公始也

瘦硬有

前氣婉妍無柔姿槐廳夢茅屋寫入秋風詩

所書乃杜陵風捲屋

萬間廣廈比此意誰能知荒莊徒感舊我生見公遲

笑月庵題壁七首

集見飛去又飛還寂寂招提早閉關我有殘鐘江上夢

與君翦燭話寒山

寺僧寒山祖知翰墨

一角僧樓倚女牆
停裝小住薜蘿房
楓林何處無霜葉
難得湖西近夕陽

蔬筭山厨自飽餐
怕教良友累猪肝
東坡生喫黃州肉
不及先生苜蓿盤

誦岩廣文時有殺齋之饋且致粟焉

文學亭荒吊夕煙
井花半帶土花鮮
轆轤綆斷苔侵石
誰辨廉泉與盜泉

文學井卽陸羽煎茶處今顏廢泉亦爲衆流所汚

題箋終日墨磨人
惜別臨岐手迹新
要與湘亭參指法
筆花禿處見天真

諸君各以箋素乞書

落日西風古雁橋
遲君不上木蘭橈

諸文學以余留憩庵中聯袂而來相

約泛湖爲
風所阻

憑誰畫出蒼茫意畱與梅花伴寂寥

寒山又號梅伯

茫茫塵海夢無憑定後風波百感增只有虛名難懺悔
幾時分課半龕燈

題人秋聲圖

米家山子歐家屋中有秋聲起林麓一聲併作千萬聲
汪倫運筆如風速秋光一片秋山高當杯氣與秋風豪
何不秋江弄明月却來秋壑吟寒濤吾家茆屋書聲裡
衡宇相望僅尺咫山中有入同洗耳秋來買棹當歸矣

題人攜幼入室圖

室中無雜賓有酒只獨酌高士出南州古心亦古貌柴

關松竹陰翩然携一鶴陳蕃榻上來陶令山中約秋風
胡不歸此圖諷我作

題畫

古松之下碧澗之濱空山結茆誰與比隣有琴可撫有
鹿可馴風塵外物幾皇上人

鐵夫書來以所著淵雅堂集見寄爲題長句報
之

有筆一枝如寸鐵試於有司同見黜鐵夫錚錚百折不
五十卷書才氣泄小儒讀之口結舌乾隆嘉慶文爲烈
當代作者多豪傑力向古人爭一席餘子紛紛盡辟易

空江煙水散人迹

時方上講樂儀書院

中朝掌故書生述

集中有應奉稿

六卷爲館閣諸公假手之作

此集千秋志已畢及身定之可自必平

生堅白任磨涅識君廿年重氣節書來憫余困酒轍一

官違俗慮顛蹶吾官未鐫集已鐫集成待君正其失君

營生壙手書碣

鐵夫與墨乘夫人營壽藏於陽伽山下自書其碣

漚波亭下誓

同穴同年雖老才未竭吾序亟求皇甫謐

壘小石爲盆山頗有生趣作此詩以示吾弟崑

漁

好山如畫圖竿鞋看之熟畫山藝未工爲山力不最何
如小盆山生趣一拳綠階前青琅玕一一手親劖碎石

磨其牙塊石洞其腹嵌空出玲瓏平遠轉紆曲一峰兀
中央蒼然獨老蜀其下小坡陀窈窕隱深谷杯泉活寸
魚吞影上瘦竹虬枝結秋蚓勢若不屈伏如何萬里心
到此便拘束譬彼顛草書寫入拓本縮吾第楷法工蠅
頭頗殊俗要從豪宕中變化守邊幅對此勝臨池油然
新意足

題友人盛松舟立雪圖

此心如松胸有竹以松爲舟竹爲屋論交祇友花中魁
山陰道上春風來空山流水不知處猩衣鶴氅翩然住
漢陽雲樹夢晴川玉蘂吹殘雪滿船偏厭繁華耽寂寞

尋山許我開東閣

松舟出漢陽路硯高安就余我亦年
萬山之中不以此間爲寂寞

來耐冷官歲寒倘結平生懽一襟清氣同心賞百里寒
光放眼看高安山色如螺黛可惜無梅點蒼靄與君着
屐雪中探不遇花時亦良快從今添我入此圖雪花千
樹酒百壺主客相忘花大笑蒲團坐擁紅氍毹

張桓侯廟夢中作

賢侯吏治應風雲寧論桓桓戰伐勲當路幾人知令尹
空山無酒酌將軍陣圖易叱雷霆走信史難憑蜀魏分
欲補殘碑愁筆弱借公矛馬騁雄文

初至高安八首

雲白斜穿徑山青不入城羣泉虛縮印

邑志載唐羣泉曾率遠安然改

唐書乃羣丹非羣泉也

王翊修談兵

鬼谷子洞在縣西相地控三

巴遠天園萬砦平年來鋒鋼靖當聽誦絃聲

入境投荒寺單車趁夕曛一龕懸木石半嶺喻風雲縣

僻游民少村閒賽社勤山農無沃土須報長官聞

放衙先掃葉移榻免黏苔窓破風鳴紙庭虛月浸盃代

庖分爨火

前官眷屬未徙齋同故偏仄

講學闕蒿萊且喜無留牘賓

僚緩緩來

邇友人盛松舟李謝人趙芳田及蔣少府皆不至

壁間雲屯處民孱士氣驕怒雷驅牧馬快雪壓盤雕聚

米移營近

遠安扼楚蜀咽喉爲嚴險川武之地戍兵四

賜綺堂集卷七

詩

五

勞薪入市遇如何紆力役先要採風謠

儒冠采草笠賓館帶茆茨策杖巡鄉易推蓬上水遲種

芡官荷插磨墨吏求詩雅稱催科拙蒲鞭早倦施

寒泉羅漢峪苦竹法和巷游屐何人到蘘琴許我採裝

輕攜木皂飯熟就伽藍徧歷幽奇境尋山不厭貪

拏手黃柑熟抽牙白菜鮮城中多隙地爲果園蔬圃山

雞張網溪獺趁漁船溪深魚肥居人每飼獺以取之女乏當牕織農

爭負郭山沮漳原楚望懷古溯長川

洞國三千里風塵聚一堂傳家守清白入室話蒼黃青

同至新債書馮券殘詩積官囊荒園能寓竊應愧

雁書將

劉弟鬱漁書來憫余貧病恐久滯於此

鳴鳳山去郭西數里巖谷幽險暇日登之

羣山繞縣城閉門飽我目出城山轉遙入山溪愈曲委
蛇歷坡陀人如鮎上竹懸崖夾洞門山勢甘就束龕荒
繡古苔一燈照寒綠蝙蝠如車輪張翅向人撲若非轉
羊腸幾欲陷魚腹凌空架石梁惜哉無飛瀑碧虛禮元
君傑閣何年築頗聞鳳凰鳴有聲協嶰谷如何吏隱流
山名從此屬周侯徙城隍安君力修復懷古意蒼茫道
人不余告斜陽下翠微隔林見輿僕歸來早放衙還夢

西山麓

迎春詞四首

曉日曉曉出郭遙綵旛五色隔林招如何昨夜山中雪
化作彤雲馬首飄

松毛棚廠綺筵開鼻到黃童故事來堪笑使君空袖手

看人躋足上春臺

置童子於几上四人
舁之而行謂之故事

土牛角黃米價低鼓簫前導人扶犁竹鞭聲響穀如雨

老農拍手秧苗齊

竟陵回首歲華更大地春光往日迎

癸亥春朔適率竟
陵於今又三年矣

只有東風無遠近依然送暖到山城

羅漢峪

長三十里壑有泉高八千丈洞有天巉巖之石矗兩邊
中央乃有巉龍淵怪籐絡石石倒懸大石小石落馬前
石根齒齒蹄血濺上峪下峪蛭脚緣入峪出峪魚腸穿
行人接踵愁拍肩側身欲退不得旋是何尊者眉龐然
舉手招我山之巔山靈雖怒我佛憐我常趺坐安杌禪

回馬坡

虎岡龍爭日風雲特地收三分鼎折足千里馬回頭汗
血山花染蹠霜石蘚淖江東羣鼠伏何敢望驂騑

苦竹坡

匏有苦葉竹有苦節竹心空空苦不自屑 一解
茶苦尚

茹竹苦莫
匪竹之苦維石之枯厥土不腴
二解
上坡

竹黃下坡
蒼竹根苦見短竹枝苦見長
三解

由魚鱗溪入山巖壑險絕作詩寄內四首

羣山莽莽氣如虹
中有溪光一鏡空
三十六鱗無覓處
傳箋那得鯉魚風

郎官頭白病添愁
千里江天每共游
此日登臨不攜手
一筇扶我上山樓

繞城百里徧雄山
到此山高石更頑
家有春山枉拋却
却從天際認煙鬟

版屋人家枳棘籬
竹垞小憩雪消時
無聊寫出蒼茫意

想到紅窻曉夢遲

小除前一夕止宿山家二首

破屋扉雙版巉岩磴一層近山猿擲石汲水犢懸燈皂
隸昇輿健黃童執爨能宵分頻翦燭隣壁笑言增
農勤娛晚歲村僻認新官穀價關心問桃符轉眼看鄉
風雖近野山氣不知寒早切歸耕願何妨易地觀

白土坪

坪小偶成市山低如避人居然見平楚從此接通津燈
聚魚喧夜缸浮酒釀春傍城三十里喜看麥苗新
高安除夕飲賓僚於可耐軒中二首

滿堂風雪飲屠蘇小集山中德不孤難下債臺徵往事
尚從宦海問前途草書急就題新帖花樣更番換舊符
料得江城喧爆竹兩行紅燭盼雙鳬

緘到銅章恰一句案頭塵埽暫抽身寒鱸自擁貪留客
熱竈爭求恥媚神邀免臺叅公府遠敢忘輿論宰官貧
襦袍却負高朋意

松舟謂余裘敝解衣易之故云

祇贈朝衫坐嚮晨

松舟以所畫廉石圖見贈

畫竹不見心畫蘭不見骨不如畫石三面分面面生皴
勢笑兀我交松舟金石求松舟爲我水石投有時五嶽
起方寸九華能八壺中收酒酣大拂米巔袖一筆全兼

綳瘦透要從腕底出煙雲先向胸中滌塵垢高安山高
石頗奇玲瓏倒掛枯藤枝鞭之不走鐵鋤斫我欲歸裝
載邱壑松舟不許石上船謂余何用取一拳與其載石
傷君廉何如畫石送君旋我本生平無此癖得而棄之
不足惜君今爲我貌此石贈言奚啻雙白璧此石圭稜
本未除何曾有意表廉隅從來實地生根脚那肯低頭
戴土袒此心匪石不可轉此畫匪席不可卷

乞陸蔭堂盆竹二首

胸中千畝頗難求碧盎分貽到案頭好與此君虛此席
研池同寫一叢秋

禪榻吹簫入夜分竹枝低倡罷香熏陰堂侍史有如何
玉筍殷勤護肯許隣家割紫雲竹色純紫

鬼谷洞去青溪十里雲夢山中相傳爲鬼谷子
講易處邑志謂郭璞詩中青溪千餘仞中有
一道士卽其地也

老莊之外有先生枉被人傳道士名大澤龍蛇騰卦氣
空山雷雨和經聲一燈照壁心神歛六國飛符口舌爭
可惜過門諸弟子誤將奇耦認縱橫

松舟將赴夔陵招同趙芳田李藹人飲餞可耐

軒中二首

試向山陰道上行時賢爭識孝章名君能苦口爲蘭友
我已甘心拜石兄松舟嘗爲余畫蘭石綯紵贈投先季札風塵傾
想到韓荆荆南李郡伯方欲邀致而營門柳細愁難折
空遺匆匆唱渭城

尊閒北海倚南樓聽雨巴山夢舊游鴻雪不隨仙客去
類行雪簷鶴糧翻與主人留陳蕃榻僅懸三月黃憲車應歷
九州差喜河汾有高弟謂吳雲崖慰余獨處盼牽牛

青溪寺

行到青溪溪幾重隔溪纔打午時鐘風窻四面難招鶴
雪礪千層尚掛龍寺側有龍女祠水從山腰醉倒花王

歌石臥

牡丹正開

書成草聖借苔封

斷碑模糊惟旭字隱約可辨然張邑志並無張

書碑

禪心道味都虛寂我自張琴和古松

隣牆紅杏著花二首

種桃種李荷鋤忙紅杏何曾種洛陽不信白頭潘令尹
春風還夢馬蹄香

腸斷江南燕子時樓臺十里捲簾遲山城莫笑春光淺
寫出牆頭雨一枝

止園雜憶詩二十首

有序

江皋流寓吾弟崑漁葺隣園以止余名之曰
寓竊園余卽以止園自號高安地僻山深弗

克攜家到此乃留孥園中五閱月矣每當放
衙人散官舍蕭然展卷挑燈不禁有陸氏荒
莊之感因憶所及系以小詩

止園園小傍花堤花外人來路轉迷門向萬花深處掩
花風不放過湖西

蟬吟鷓鴣夢水邊樓

館舍幽曠題曰鷓鴣夢蟬吟之館

三面湖光一面收尚

有好山招不到濕雲寫影上墻頭

園西爲大別山

絲柳千行罨畫船

煙波畫船爲皮書之處

載書應笑米生顛全家

同泛煙波宅忘却江深五月天

春江水漲入籬牆垂釣依然踞竹床雨笠煙蓑儘拋却

要從平地濯滄浪

繞隄士女踏香塵刻意尋春不見春無奈風前雙玉樹

出牆偏要看游人

玉蘭兩株高出樓角
游人過門多憩足焉

滿園蝴蝶百花朝小試春衫倚玉簫莫向絳桃低處坐

一闌紅雨暗生潮

居然霧閣拓雲屏紅日當窗夢未醒水鳥飛來呼不起

隔牆搖動護花鈴

半角亭臺枕石斜四圍晴雪撲窗紗

亭名晴雪與不知
晴川閣相對

白藕全開放粉本摹成鏡面花

湖中白蓮甲於他處
以種蓮爲業

梧桐百尺竹三竿夜雨空階倦倚欄要與西風爭氣燄

芙蓉張幄不知寒

荔支風味蕙蘭心料理殘書典古琴翻怪吟詩何太苦

夜涼移燭照花陰

盆山雨過亦生雲徑寸游魚漾水紋上有此松難束縛

小聚墨竹帶泥分

淘槐釀桂友坡公

東坡謫嶺南與吾家惠守器之先生食槐葉冷淘酌桂酒賦詩園中齋厨

蕭索因以淘種菜還餘地數弓籬豆花時多蟋蟀夜堂

苦與和秋風

歸雅點點去寒山坐聽鐘沉不閉關種到芭蕉還翦却

好看燈火出橋灣

寒塘楓老葉無聲
永凍難消一鏡平
酒市收旗漁掛網

家家蘆雪打簾旌

百和香熏麝一丸
山房煙埽瓦篝寒
比來墨尚磨人否

惱我壺中汁已乾
小煙波薄水澄如鏡清之不滓取以泥煙造墨頗合古法故隄上多墨莊

信手塗鴉費紙多
漢皋紙價洛陽過
溪藤付與兒童研

不向松陵乞衍波
鐵夫為華亭學博嘗以所製小漚波箋分給迨余官楚中而鐵夫亦泊游

江淮此紙不可得矣漢皋紙貴日取市中麤劣之紙令童子於園中石上椎之

寓鶴何曾載鶴來
空勞畫手點莓苔
客有為余作寓鶴圖者年年

撇徧江城遂吹落
梅花補種梅
園中無梅余特補之

阿弟臨池我不如
叩門偏索阿兄書
吾書近已頽唐甚

尚說矜張習未除

余固不工書素書者踵至多屬吾弟

好露華角時襲其筆意客不知也

擬付兒曹筆一枝家人爭笑阿耶痴
癡兒五歲癡尤甚

午夜喃喃學誦詩

山城夜氣一燈昏
宦味蕭然孰與論
辜負園名何日止
任他風雨掩蓬門

種櫻桃一株著花頗妍二首

花前人老惜華顛
種下櫻桃意惘然
顧影怕沾脂粉氣
折枝偷寫雨晴天
卿如解語先開口
我不探春看比肩
記否下階曾握手
淡紅低壓髻雲偏

絳蠟微熏酒淺澆舞衫新試百花朝化爲紅豆愁他日
嫁到朱門憶昨宵一片熱腸空宛轉三分春色恰苗條
憑他苑鳥偷啣去依舊枝頭雪未消

鹿苑寺

鹿車不可招鹿門尚可踐入山尋鹿溪隔溪見鹿苑溪
山歷幾重山深溪九轉招提晝閉關燒艾還煮葑遐哉
陸法和曾此遁軒冕苦竹與怪松避人尚未遠如何了
機禪三年蠶脫繭試問山中僧無言指苔蘚一嘯下寒
崖山雲自舒卷

蠶叢

山田種桑無隙土山家養蠶無環堵當門四面不蔽風
矮檐一角僅遮雨繚以松枝與竹竿剪除棘刺刈其楚
兩頭束縛枯藤纏山花山草從中補如披叢莽張鳥羅
非泛叢葦施魚罟三眠初起蠶入叢蠶在叢中同穴處
居然晝暖比房櫳紙閣蘆簾渺何許未施經緯空纏綿
雖臥蒿萊亦險阻入山不覺出山難下山始知上山苦
山中婦子相護持多蓄狸奴撲鼯鼠生怕蠶心要出叢
日祀馬頭擊田鼓山雲吹散山日晴叢亦如蠶春意吐
纍纍繭子大於丸摘向枝頭覓薪煮纍車響處絲如抽
百里春山歌白苧今年絲熟販客多河洛人到選錢數

蠶叢歷盡蠶不知付與當窗運機杼那得蠶叢化蝶集
任爾翩然夢詡詡

課桑

環山百里餘其土本非沃稻田既無多桑田更不足田
家同養蠶盼到蠶絲熟豈知桑葉稀飼之苦難續采采
不盈筐三眠爭一掬昂頭勢就僵終日抱蠶哭妄想竊
諸隣不免陷於獄菽麥盜野田於律義當撲汝田既築
塹汝屋亦枕麓何不徧栽桑乃攘他人蓄所采非一株
所種非一木計數課桑條罰使種桑贖嬾婦與惰農聞
言頗慙舐他年桑遠揚比隣無犬吠吾當憩桑陰來看

驚果腹

彝陵總戎招游三游洞

將軍有奇思暇日恣探幽西山古石洞心知境殊尤寂寥榛莽中路絕不可求下令選健夫斲刈尋所由詰朝整輿馬涉水還登邱稍近復無路溯江盪扁舟舟從石罅纔足向雲根投旣驀千尋嶺截臨百丈湫路轉得洞門氣暗風颼颼玲瓏竄烏鼠屈曲緣蛟蚪光從足底生悚如下危樓巨厂廣敷武前崖瞰奔流石乳立爲柱煙蘿結爲幃天鐘與地鼓擊之聲相伴其時日迤西斜陽照觥籌吹竹調絲絃巴童發清謳鳴鹿似遙和啼猿亦

忘愁酒酣賦新詩疾書免頽道不知無始來山是何人
搜元白遂命名蘇黃繼淹畱緬彼數公後名蹟空悠悠
壯哉嗣芳躅勝事爭前休一破萬古寂誰能效茲游

錢武肅王鐵券歌用宋文憲韻

李唐之季傾宏基羣盜滿眼繼與貔磨牙擇肉競銛利
弱者先斃強者隨中原五代更八姓嗟此黔首奚恩施
十國瓜分各竊據爭城爭地時盈虧南唐西蜀一黑子
嶮嶮黃屋開彤墀廬陵作史劇歎息衰世典籍傭繙披
就中吳越頗足述承承四葉光裘箕百年保障十三郡
雖有裨政無大疵天道福善理不爽厥後接跡腰銀螭

一片鐵瓦亦怪偉鼎出泗水堪存疑淳化元豐及洪武
三登玉殿覲袞衣其文三百四十字黃金嵌畫縈鬚髭
詰辭莊重字古雅儼對彝器神爲怡當時霸業壓牛斗
酣歌駟馬行瑤巵宏乎昌乎爾狂僣婆酉視爾如捕狸
出號功臣樹衣錦祥雲五色原非欺金牛湖上占王氣
納土早識否孩兒鼓腰城壘却悍敵智有晏嬰勇虎癡
萬弩臨江潮水退鐵幢鎖海鴻名垂券是乾寧二年錫
刻傳郡王官台司天冊棟宇久荒草鬼神呵護仍無危
表忠世系有譜牒萬民利賴咸能知金陵定鼎倣遺式
文孫負至秦淮塵青蘿太史奮巨筆作詩逸氣雲霞飛

我朝太守鮑明遠拂拭鴻寶欽元龜鐫梨脯載本末
燦爛葩藻輝山陂因思漢世重寶氏庶非天命識所歸
錢氏後先濟其美不勞血刃功詎微至今錢塘甲宇內
殷繁都會稱通達忠懿鑄塔本瑣事尙傳奕禩銅花肥
不然鐵券等閒耳叛將亦得邀延閣懷光行瑜明可睹
朝賜冊拜暮囚繫功如李郭券何在簪紱未得到齊衰
獨留武肅姓字永嶠龍曲曲言如絲旂常竹帛遜汝壽
幾闕烏兔東西馳偶見其物長太息猶覺吮筆含餘威
試問臨安之山有石鏡曷勿爲作磨崖碑

爲人題大楞圖

大椿歲八千幾人見榮落樗散葆其真亦能遠斧鑿良
材不終老大地豈長託爾惟得天全根本日磅礴將接
若木陰盤盤蔭元鶴

爲人題囊琴執拂圖

展畫見君面傾蓋見君心幽坡石上月疎竹雲間林蕭
然能遠俗屬意良亦深執拂獨危坐如將發高吟囊琴
而不彈未必無賞音